

"Park" d.o.o., između Općine Stari Grad Sarajevo koju zastupa Općinski načelnik Irfan Čengić i KJKP "Park" d.o.o. Sarajevo koje zastupa direktor Adis Bešlić.

II

Ovaj Zaključak stupa na snagu danom donošenja i isti će biti naknadno objavljen u "Službenim novinama Kantona Sarajevo".

Broj 02-45-242/26
Aprila 2026. godine
Sarajevo

Predsjedavajući
Općinskog vijeća
Stari Grad Sarajevo
Seid Škaljić, s. r.

Općinski načelnik

Općinski načelnik putem Službe za finansije i budžet Općine Stari Grad Sarajevo, na osnovu člana 3. Pravilnika o utvrđivanju i načinu vođenja Registra budžetskih korisnika budžeta u Federaciji Bosne i Hercegovine ("Službene novine Federacije BiH", broj 30/14) i člana 85. Statuta Općine Stari Grad Sarajevo ("Službene novine Kantona Sarajevo", broj 20/24), donosi

ZAKLJUČAK**O USPOSTAVI REGISTRA BUDŽETSKIH KORISNIKA
OPĆINE STARI GRAD SARAJEVO ZA 2027. GODINU**

Član 1.

Redni broj budžetskog korisnika	Naziv budžetskog korisnika	Identifikacioni broj (ID broj)	Adresa budžetskog korisnika	Klasifikacija djelatnosti
1	2	3	4	6
00100	OPĆINA STARI GRAD SARAJEVO	4200738880009	Zelenih beretki 4 Sarajevo	84.11

Član 2.

Ovaj zaključak stupa na snagu danom donošenja i biće objavljen u "Službenim novinama Kantona Sarajevo".

Broj 01-04-4-1260/26
07. maja 2026. godine
Sarajevo

Općinski načelnik
Irfan Čengić, s. r.

OPĆINA VOGOŠĆA**Općinsko vijeće**

Na osnovu člana 34. stav (1) i člana 39. stav (2) Zakona o prostornom uređenju Kantona Sarajevo ("Službene novine Kantona Sarajevo", broj 24/17 i 1/18) i člana 70. stav 1. tačka 2. Statuta Općine Vogošća ("Službene novine Kantona Sarajevo", broj 27/14 - Prečišćeni tekst 14/15, 9/20 i 23/24), Općinsko vijeće Vogošća, na sjednici održanoj 30.04.2026. godine, donijelo je

ODLUKU**O PRISTUPANJU IZRADI IZMJENA I DOPUNA
REGULACIONOG PLANA "BARICA" - A FAZA
STAMBENO-POSLOVNI OBJEKAT NA K.Č. 255 K.O.
HOTONJ (SKRAĆENI POSTUPAK)**

Član 1.

(Vrsta Plana)

Pristupa se izradi Izmjena i dopuna Regulacionog plana "Barica" - A faza - stambeno-poslovni objekat na k.č. 255 k.o.

Hotonj ("Službene novine Kantona Sarajevo", broj 45/19), po skraćenom postupku - u daljem tekstu: Izmjene i dopune Plana.

Član 2.

(Granice područja za koje se Plan radi)

Granica obuhvata polazi od tačke br. 1 koja se nalazi na parceli k.č. 731, a ima koordinate $y=6530198$, $x=4861152$, potom produžava na sjever sijekući parcelu k.č. 731 u dužini od cca 63m do tačke br. 2 koja ima koordinate $y=6530192$, $x=4861215$, lomi se na sjeveroistok sijekući u pravoj liniji parcele k.č. 731, 255 do tačke br. 3 koja se nalazi na međi između parcela k.č. 727 i 255, a koja ima koordinate $y=6530197$, $x=4861222$. Granica obuhvata izmjene nastavlja u pravcu juga, te jugozapada idući međom parcele k.č. 255 (obuhvata je) i dolazi do mjesta odakle je opis granice i počeo.

Sve gore navedene parcele se nalaze u K.O. Hotonj, Općina Vogošća.

Površina obuhvata iznosi 0,17 ha.

Član 3.

(Vremenski period za koji se Plan donosi)

Plan se donosi za period do donošenja novog planskog dokumenta.

Član 4.

(Smjernice za izradu Plana)

Cilj izrade Izmjena i dopune Plana je da se, analizom postojećeg stanja i uz uvažavanje urbanističko-tehničkih uslova datih osnovnim Planom, preispita mogućnost planiranja građevinske parcele za izgradnju stambeno-poslovnog objekta (kolektivno stanovanje sa prizemljem namjene), prema sljedećim smjernicama:

- položaj horizontalnog gabarita objekta u skladu sa postojećim i planiranim ograničenjima u prostoru;
- maksimalna spratnost objekta: do SP4, a u zavisnosti od dimenzija horizontalnog gabarita;
- saobraćajni pristup objektu je iz ulice Barice;
- planirati stablašice prema kontaktnim parcelama prema kojima je potrebno ostvariti vizuelnu i funkcionalnu barijeru;
- ograničenja u prostoru koja je potrebno definisati tako da se omogući optimalan položaj objekta na građevinskoj parceli su sljedeća:
- Planom predviđena trasa hidrotehničkog objekta (zacijevljeni vodotok potoka Dumača)
- postojeći kanal FD 400 mm;
- planirati povećanje kapaciteta postojeće distributivne mreže izgradnjom nove transformatorske stanice 10(20)/0.4 kV.

Član 5.

(Rokovi za pripremu i izradu Plana)

Rokovi za pripremu i izradu Izmjena i dopuna Plana su sljedeći:

- Odluka o pristupanju izradi Plana: april 2026. godine;
- Prijedlog Plana: 30 dana od obezbjeđenja podloga za izradu Plana;
- Javna tribina (upoznavanje javnosti): 30 dana od isporuke Prijedloga Plana;
- Usvajanje Plana: na prvoj sjednici Općinskog vijeća nakon pripreme završene procedure izrade Prijedloga za Općinsko vijeće.

Član 6.

(Način osiguranja za izradu Plana)

Troškove izrade Izmjena i dopuna Plana u iznosu od 19.500,00 KM, kao i troškove pribavljanja Geodetskih podloga, Geotehničkog izvještaja i Revizije Geotehničkog izvještaja, snosit će vlasnik zemljišta.

Član 7.

(Nosilac pripreme Plana i Nosilac izrade Plana)

Nosilac pripreme Plana je Načelnik Općine Vogošća.

Nosilac izrade Plana je Zavod za planiranje razvoja Kantona Sarajevo.

Član 8.

(Donošenje Plana)

Nosilac izrade Plana izradit će Prijedlog Plana i dostaviti ga Nosiocu pripreme Plana. Nosilac pripreme Plana utvrditi će Prijedlog plana i podnijeti ga Općinskom vijeću na donošenje.

Član 9.

(Sadržaj Odluke)

Sastavni dio ove Odluke je grafički prilog sa ucrtanom granicom područja planiranja.


Član 10.

(Stupanje na snagu)

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-733/26
30. aprila 2026. godine
Vogošća

Predsjedavajući
Općinskog vijeća Vogošća
Nihad Hadžić, s. r.



Izvod iz Regulacionog plana "Barica" - "A" faza
("Službene novine Kantona Sarajevo", broj 45/19)

■■■■■■■ granica obuhvata Izmjena i dopuna Plana (P = 0,17 ha)